

ausweist) Item das Gewölblin/ das Wasserstäblin / das Holzhaus/ vnd die Schupffen/ sowol auch den hindern Hauptstennen/ sampt dem dritten hindersten Keller geniessen vnd also für ein kleine Haushaltung vorlieb nehmen mag/ dahero auff disem ersten Wohnungs Boden zwo kleine Haushaltungen mit Zimmern gnugsamb versehen seynd/ massen dann der Augenschein zu erkennen gibt.

Das Kupfferblatt N: 9.

Der dritte Grundriß.

Dieses ist der rechte obere Wohnungsboden/ Jedoch Dz Kupff
ferblatt
No: 9. für ein einlige/ aber ansehnliche Haushaltung/ darob zu losieren Der dritte
Grundriß erbawet worden/ hierbey man nur gar gute vnd bequeme Zimmer haben kan/ dann bey

- ⊙. Kompt man auff die erste Lauben .E. herauff/ daselbsten aber/ vnd bey dem Fenster
- ⊗. mag man den gemeinen Lauff/ vnd also durch die ganze Hauptgassen der Statt/ hinunder sehen/ Bey dem Fenster
- P. aber Verso Partem Occidentalem daselbsten/ an einem gar stillen einsamen Orth/ kan man in den Garten/ vnd auch auff die Grotten hinab schauen/ Also umbwechsleud/ die vbrige Zeit mit gutem Contento vertreiben/ durch die Thür
- ♂. kan ein ganz besonders Quartierlin also beschlossen werden/ daß dessen Situs kaum wahrgenommen wird/ Sintemalen bey
- Ω. ist ein Stäblin/ von dar man abermalen ein lustig Außsehen gegen der Hauptgassen herunder/ haben kan/ welches aber durch das Loch oder Fallen .Δ. vnd also von der vndern Stuben herauff/ solcher Gestalt zu erwärmen/ daß man hiezugegen keines Ofens bedürfftig ist.
- ⊙. Ein gute/ auch gegen der Hauptgassen hinaus respondirende Kammer. Bey
- ⊗. aber ein schlechte Ehehalten Kammer / vnd kan jetzterwöhntes absonderliche Quartierlin / von einer Stuben/ vnd zweenen Kammern/ etwann desß Hauswürths zum Theil erwachsenen Kindern/ darinnen zu wohnen/ eingeräumt werden/ Ferner vnd wann die beede Thüren A.B. verschlossen werden/ so bleibt alsdann das rechte Wohnungs Quartier/ ganz verspörrt/ Im welchem sich aber noch weiters zwo Stuben/ drey Kammern/ ein Kuchen/ sampt einer besondern Lauben/ folgender Gestalt/ befinden. Dann bey
- D. Ist abermalen die rechte obere/ auch gegen der Hauptgassen hinaus respondirende/ Wohnungs Stuben/ die nicht weniger ein lustiges Außsehen hat/ Gleich daran vnd bey